



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Број: 01,02,03,03/11-05-1-103718
Сарајево, 27.3.2018.

**KOLEGIJU PREDSTAVNIČKOG DOMA PSBiH
KOLEGIJU DOMA NARODA PSBiH
ČLANOVIMA DELEGACIJE PSBiH U PSOSCE-a**

**IZVJEŠTAJ SA OSCE-ove MEĐUNARODNE KONFERENCIJE "ULOGA
PARLAMENTARACA U JAČANJU EKONOMSKE SARADNJE I VEZA IZ OBLASTI
KULTURE DUŽ PUTA SVILE", Baku, 13. i 14. mart 2018. godine**

U Bakuu je 13.3.2018. održana OSCE-ova međunarodna konferencija Puta svile u čijem radu su učestvovali Aleksandra Pandurević, predsjedavajuća Delegacije, Halid Genjac, drugi zamjenik predsjedavajuće Delegacije, i Dženana Leper, sekretar Delegacije.

Konferenciju o temi: "Uloga parlamentaraca u jačanju ekonomske saradnje i kulturnih veza duž Puta svile" organizirali su Parlament Azerbejdžana i OSCE-ova Grupa za podršku Putu svile.

Otvarajući konferenciju, predstavnik Azerbejdžana, potpredsjednik PSOSCE-a Azay Guliyev, izjavio je kako će u okviru konferencije biti održano nekoliko sastanaka o jačanju privrednih i trgovinskih odnosa, olakšavanju transporta, te promociji kulturne razmjene i dijaloga. Na konferenciji je usvojena i deklaracija.

OSCE-ova Grupa za podršku Putu svile osnovana je na inicijativu Azerbejdžana. U početku je imala 17 država članica, a sada ima 22 članice.

Ostali govornici na skupu bili su: zamjenica predsjedavajućeg Delegacije Azerbejdžana u Parlamentarnoj skupštini OSCE-a Bahar Muradova, predsjednik Parlamentarne skupštine OSCE-a George Tsereteli i predsjednik Parlamenta Crne Gore Ivan Brajović.

Obraćajući se učesnicima, ministar vanjskih poslova Azerbejdžana Elmar Mammadyarov izjavio je: "Budući da je jedan od temeljnih stubova saradnje u OSCE-u - a do određene mjere, čak i plodniji u pogledu isporučivih rezultata od drugih - ovo uključivanje iz 1975. godine kada države članice u Helsinškom završnom aktu potvrdili značajnu važnost ekonomske dimenzije u konceptu sveobuhvatne sigurnosti OSCE-a. Pri tome su priznali da je poboljšanje uslova prijevoza i uklanjanje tehničkih prepreka trgovini jedan od bitnih faktora razvoja saradnje među državama članicama."

Parlamentarci imaju ključnu ulogu u poticanju privrednih prilika i povećanju trgovine za podršku sigurnosti širom područja OSCE-a, kazao je, dodajući kako sve zemlje OSCE-a sve više postaju svjesne veze između privrednog uspjeha i individualne sigurnosti.

O unapređenju međusobno korisne privredne saradnje i trgovinskih veza govorili su i potpredsjednik OSCE-a Viktor Paul Dobre (Rumunija) i predsjedavajući Komiteta za politička pitanja i sigurnost OSCE-a Filippo Lombardi (Švicarska).

Učesnicima se obratio i član Delegacije PSBiH u PSOSCE-a Halid Genjac koji je prenio pozdrave prijateljskom narodu Azerbejdžana i zahvalio se domaćinima na organizaciji konferencije, te naglasio da ovakvim aktivnostima PSOSCE-a ostvaruje jednu od svojih ključnih uloga, a to je uspostavljanje saradnje i dijaloga između zemalja učesnica.

Genjac je ocijenio da će inicijativa Azerbejdžana u vezi sa uspostavljanjem Grupe za podršku Putu svile PSOSCE-a doprinijeti jačanju ekonomskih odnosa među državama čiji su predstavnici okupljeni na konferenciji. Posebno je naglasio da će Bosna i Hercegovina podržati jačanje ekonomske, transportne, trgovinske i kulturne saradnje među zemljama koje se nalaze duž drevnog Puta svile.

Govoreći o iskustvu BiH, u kojoj se vijekovima isprepliću različite vjere, kulture i civilizacije, Genjac je podvukao značaj saradnje u oblasti kulture, koja će, kako je rekao, doprinijeti boljem razumijevanju među državama članicama OSCE-a.

Tokom tri panela učesnici konferencije razgovarali su o unapređenju međusobno korisne ekonomske saradnje i trgovinskih veza, o pojednostavljenju transportnih veza i logistike, kao i o izgradnji povjerenja, unapređenju dijaloga i organiziranju događaja iz oblasti kulture.

Grupa za podršku Putu svile PSOSCE-a uspostavljena je 8. jula 2017. godine na Godišnjem zasjedanju PSOSCE-a u Minsku.

Na konferenciji je potpisana i Deklaracija iz Bakua.

Prilog: Deklaracija iz Bakua

**Izveštaj odobrila:
Aleksandra Pandurević
predsjedavajuća Delegacije PSBiH u PSOSCE-a**

Izveštaj pripremila:
sekretar Delegacije PSBiH u PSOSCE-a
Dženana Leper

Dostaviti:

- naslovu
- Kolegiju Sekretarijata PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za međunarodne odnose i protokol
- Sektoru za odnose s javnošću